

Stjórnarfundur Prentsöguseturs 06.06 2019

Fundarstaður: Prentsögusetur, Laugavegi 29, 101 Reykjavík

Mætt: Heimir, Hjörtur, Haukur Már, Þorsteinn, Sófus, Svanur og Katrín

1. Fundarform – Rætt var um fyrirkomulag funda. Kom ósk um að fá dagskrá fyrir fundinn svo fundarmenn gætu undirbúið sig. Það var samþykkt.

2. Geymsla á safnhlutum – Búið er að kaupa tvo gáma, það gekk ekki að koma öllu því sem var í geymslu í einn gám. Gámarnir líta vel út að innan en það þurfti að ryð- og sveppaverja þá, sem og mála að utan, það var ákveðið að fara strax í þá vinnu og hefur það þegar verið gert. Gámarnir standa innan girðingar við Köllunarklettsveg 1. Ekki þarf að borga stæði fyrir gáma.

Finna þarf þó gámum varanlegri stað og kom upp tillaga að flytja gámanna til Eyrabakka, komið er tilboð í færslu á gámum. Rætt var um flutninga á gámum og annað því tengdu en ekki var tekin ákvörðun.

Staðan er því þannig að búið er að tæma geymsluna í Rósarima, Alpan á Eyrarbakka sem og geymslu í Kassagerðinni þs. fyrir utan eina vél sem komst ekki fyrir í gám sökum stærðar. Hvorki Árbæjar- né Borgarmynjasafn höfðu pláss til að geyma vélina svo við fengum góðfúslegt leyfi til að geyma hana áfram í Kassagerðinni þar til kemur í ljós hvað verður um húsið. Eftir stendur því ein geymsla á Eyrarbakka sem hægt væri að tæma því það er pláss í gámum fyrir þá safnhluti.

3. Skráning á safnhlutum – Nú þegar verið er að safna öllum munum á einn stað og gott yfirlit er yfir hvað er að fara inni gámanna þykkir tilefni til að setja kraft í skráningu safnmuna. Heimir er að skrásetja alla muni á setrinu þessa daganna.

Skráning liggur á nokkrum stöðum í dag eða á heimasíðu okkar <http://prentsogusetur.is/safngripir>, facebook síðu okkar Prentmynjasafn, í fundagerðum og á sneplum. Ráðast þarf í vinnu við að safna þessum gögnum á einn stað og skipuleggja þannig að það muni nýtast setrinu til frambúðar. Ákveðið var í millitíðinni að setja upp form á A4 blað sem hægt væri að fylla út og setja með safnhlut svo þær upplýsingar sem fást á staðnum glattist ekki og hægt verði að skrásetja í gangagrun síðar.

4. Farið yfir fjárhagsstöðu – Innheimta félagsgjalda gengur ágætlega og hafa nú 80 félagsmenn greitt félagsgjaldið, innheimta gengur ekki eins vel hjá fyrirtækjunum. Hugmynd að nýrri fjáröflunarleið kom fram sem ætlað er að mynda hvata svo stærri fyrirtæki sýni okkur áhuga, ætlun er að setja hana saman og kynna síðar ef af verður.

Send var út vefpóstur í samstarfi við Grafía til félagsmann þeirra. Við óskað eftir stuðningi félagsmann Grafíu með félagaáðild, sjö nýjrir félagsmenn gengu í félagið við það.

Í sjóði í dag, 6.6.2019, eru um 538.000 kr., en seint í maí-mánuði voru keyptir 2 gámar, og með ýmsum vélaflutningum fóru úr sjóði um 800.000 kr. Fræðslusjóður Grafíu styrkti setrið um 400.000 kr. við kaup á gámum, sem kemur upp á móti.

5. Kynnigargfundur – Fræðslusjóður Graffu styrkti setrið um 400.000 kr. við kaup á gámum og óskaði um leið eftir að fá kynningarfund á verkefninu "Prenstögusetur". Við urðum við þeirri ósk og ætlum að taka á móti þeim föstudaginn 14. júní kl. 11.00 í húsnæði Prenstöguseturs á Laugavegi. Á þeim fundi munum við sýna þeim hvernig okkur miðar með setrið.

6. Önnur mál...

Vinnudagur – Ákveðið var að halda vinnudag miðvikudaginn 12. júní kl. 13:00 í tilefni heimsóknar. Þá ætlum við að taka til hendinni, þrifa og skipuleggja.

Ísafold – Hjörtur sagði að það væri þónokkuð af hlutum í gámum hjá Ísafold, ekki er vitað hvað er í þeim gámum. Kom upp tillaga að skoða hver staðan er á þeim hlutum.

Kennimerki seturs – Umræða myndaðist því eitthvað hefur borist af hugmyndum um nýtt kennimerki. Ætlum að taka þessa umræðu upp síðar og halda okkur við það eldra eins og staðan er í dag.

Viðskiptaáætlun– Spurning kom upp um hvort það væri til viðskiptaáætlun, svo er ekki og kom tillaga um að gera drög að viðskipta- og kostnaðaráætlun.

Að lokum – Myndaðist umræða um tilgang og drauma seturs, hvenær er rétti tíminn til að láta fjölmiðla vita af okkur, tengja okkur við skólanna og jafnvel hefja samvinnu við þá eða önnur söfn.

Fundi slitið.